

# Бақташы болмай, береke болмас

► Рауза МҰСАБАЙ

Мал үрлігі жағынан Екібастұз ауылдық округі өнірде көш бастап түр. Өйткені былтырыжылы мұнда 17 мал үрлау фактісі тіркеліпті. Айта кету керек, сұық қолды ұрының көзінің сұғы далағағы қараусыз жайылып жүрген малға түседі. Оның үстінен, көзден таса болған малды іздеуге енжармызы.

Қала әкімі А.Вербняк өзінің жылдық есеп беру жиынын Екібастұз ауылдық округінде өткізгенінде кепшілік назарын алдымен осыған аударды. 2013 жылдың қарашаусынан орнын сипап қалған ауыл тұрғыны Б.Ұбабаев жоғының ізін кескенімен, дәлделей алар емес. Өйткені малының құлағындағы ені алынып тасталыпты. Истің аққарасын нақтылауды қала әкімі қалалық ішкі істер басқармасының бастығына тапсырды.

Атамыш округке Төртүй, Ақши, Мыңтомар, Қаражар, Тай, Қексиыр және Қаражар елді мекендері қарайды. Халық саны- 1181. Осы округ мектептеріндегі бала саны - 168. Шалғай ауылдың 30 баласы орта мектеп жаңындағы интернатта жатып оқиды. Онда оқушылар бес мезгіл тамақтанады. Ал шағын орталықтардағы 34 бүлдіршін үш мезгіл ыстық тамақлен қамтылған.

Былтырдан бері мұнда да ірі қара малды асылданыру ісі қолға алынды. Екібастұз ауылдық округіне

қарасты ауылдардағы «Айбек», «Тұрсын», «АБИ», «Серік» және «Дархан» қожалықтарының әрқайсысы «Табыс» шаруа қожалығынан екі-екіден асыл түқымды бұқа сатып алған. Ал шаруа қожалықтарының малдарды асылдандыру және селекциялық жұмыстарды жүргізуіне мемлекеттен 15 млн. теңге көлемінде субсидия берілген. Оған қоса, тағы 8 адам «Монокалаларды дамыту-2020» мемлекеттік бағдарламасымен 22 млн. теңге несие алып, өз кәсібін ашуға бел буған. Ал «Өнірлерді дамыту» бағдарламасымен қарастырылған 1 млн. 332 мың теңге Тай, Мыңтомар, Төртүй және Қексиыр ауылдарындағы көкжылдық қоқыстарды тазартудың орайын көлтірді.

Өткен жылы да шалғайдағы елді мекен тұрғындары қалаға қоныстануға мүмкіндік алды. Болашағы жоқ деп танылған Қаражар, Талдықамыс және Ақши елді мекендерінен 4 отбасы Павлодар қаласынан баспаана алыпты.

2014 жылы округтегі денсаулық пен білім мекемелерінің бойларына қан жүгірді.

-Төртүй ауылдарындағы дәрігерлік амбулатория бюджеттеннен бөлінген 11 млн. 500 мың теңге қаржыға курделі жөндеуден өткізілді. Орта мектептің жылу жүйесі де қалыпқа көлтірілді. Ол үшін қазынадан 2 млн. 483 мың теңге жұмсалды. Дағылары мен

бастауыш сынып оқушылары үшін жылы дәретхана орнатылды. Оған 2 млн. 291 мың теңге белінді. Химия кабинеті 2 млн. 985 мың теңге жабдықталды. Өлеңті орта мектебінің ағымдағы жөндеуден өткізіліп, материалдық жағдайының жақсаруына 5 млн. 393 мың теңге белінді,-деді Екібастұз ауылдық округінің әкімі М.Құспеков көлшілікпен жүздесуде.

Ауыл әкімінің айтуынша, Тай елді мекенінің тұрғындары да интернет желісін пайдалану мүмкіндігіне ие көрінеді. Ол үшін Қазақтелеком кесіпорны мұнда биіктігі 45 метрлік мұнара орнатыты. Әзірле 15 шаңырақ интернетке қосылған екен. Ал жаңадан құйылған мұз айдыны балалардың хоккей ойнап, шынығуына жасалып отырған мүмкіндік десе де болғандай.

Енді ойын-сауық орталығы мен шаштараз ашу ісі үстіміздегі жылы жүзеге асады деп межеленуде. Сондай-ақ, балабақшаны курделі жөндеуден өткізетін кез келді. Ол үшін қазынадан 4 млн. теңге қарастырылады. Оған қоса, спорт аланы да бой көтереді.

Жиында қала әкімі А.Вербняк Екібастұз ауылдық округі тұрғындарының өз ісін ашу мақсатында несие алуда белсенділік көрсеткендеріне ризашылығын білдірді. Бірақ сыртқа шығарылмаған көң-қоқыстың ауылдың шырайын көтіріп тұрғаны ойландыру туіс. Осы орайда алдағы уақытта қоқысты сыртқа шығаруға бюджеттенн қаржы қарастырылмайтынан да қулағдар етті. Олай болса, ауылдық округ халқы елді мекендерді таза ұстауға дағылануы керек-ақ.